

դայն պահօք, բայց ի Շարաթ եւ ի Կիրակէն եւ 170
 Հինդ Նաւահատիան միայն լուծանել ի ձուկ,
 ի ձէթ, ի կաթ եւ այլն: Սա վասն շինութեան
 սուրբ եկեղեցեաց, վանօրէից բազում զղվանս
 եւ ազգի ազգի դժւարանս եւ նեղութիւն
 կրեաց ի չէխէրուն, պարոնէն եւ այլոցն. բա— 175
 զում անգամ բանտ մտանելով, յոլով անգամ ի
 չղթայս եւ յերկաթս սրկելով, ի կապանս կա—
 լով, նախատինս, ահ եւ երկիւզ կրելով. եւ
 վճիռ մահու ի վերայ նորա հատանելով: Իսկ
 նա զյոյսն առ Աստուած եղեալ եւ զնա միայն 180
 յօղնութիւն կոչեալ՝ ի շարչարանաց ոչ երկն—
 չէր, եւ ի տանջանաց զերեսս ոչ դարձուցա—
 նէր, այլ եւ ի մահուանէ ոչ զանդիտէր, ըստ
 Պաւղոսի, թէ Ով կարէ մեկնել զմեզ ի սիրոյն
 Քրիստոսի, թէ սուր, թէ շարչարանք թէ մահ 185
 եւ թէ այլ ինչ. եւ դարձեալ թէ Չարչարանք
 որ վասն Քրիստոսի՝ կեանք են. եւ դարձեալ՝
 Եթէ տակաւին մարդկան հաճոյ լինէի, ապա
 Քրիստոսի ծառայ ոչ էի. եւ դարձեալ թէ
 Անձկացեալ եմ ի դանս, ի բանտս, ի տանջանս 190
 եւ այլն: Այսպէս յոլով չարիս կրելով բազում
 բարեաց պատճառ լինէր. եւ յառաջ տանէր
 զիւր բարի խորհուրդն եւ ի կատարում ածէր.
 եւ Աստուած օգնական էր նմա. ճակատէր,
 զիմամարտէր ընդ մեծամեծս եւ ընդ զազիր 195
 զրպարտող Արարացիս. եւ ամենայնի յաղթող
 դտանէր զօրութեամբն Աստուծոյ, ըստ այնմ.

176 ոլով: — 177 անգամ չղթայս եւ երկաթս
 պոկելով: — 196 յարարացիս: